



kalkomp.


13973

III

Mag. St. Dr.

P

*Lopuszynski Ioannis Alberti: Praemiatrix virtutum
et meritorum sapientia.*



I

P
I
A

S
C

T
I

Sa
ne

A

V

3

(M)

PRÆMIATRIX

VIRTVTVM & MERITORVM
S A P I E N T I A,

I N

PERILLVSTRI, CLARISSIMO & ADMODVM REVERENDO DOMINO,

D. M. RAPHAELE
ARTENSKI,

Sacrae Theologiae Licentiato, & Professore, Collega Maggiore, Ecclesiarum, Collegiatae S. FLORIANI Florentiae ad Cracoviam CANONICO, Parochialis Paicznenfis CVRATO, Contubernij Gelloniani PROVISORE.

Cum

PERILLVSTRI, & REVERENDISSIMO DOMINO,

D. M. MARTINO
WINKLER

Sacrae Theologiae Doctore, & Professore, Collegij Majoris Senior PATRE, Ecclesiarum, Cathedralis Cracoviensis CANONICO, Sandomirienfis PRÆPOSITO, Kielcensi SCHOLASTICO, CVRATO Premycoviensi, S. R. M. Secretario.

In Florentissima Illustrum Hospitum, & Academici Senatûs Corona,

In Lectorio D.D. Theologorum

Sacrae Theologiae, Doctoratûs insignia capefferet.

A IOANNE ALBERTO ŁOPVSZYNSKI,


Artium Liberalium, & Philosophiae Baccalaureo.

in vim gratulatorij applausûs,

luci publicæ.

PROPOSITA

Anno Domini 1698.



13973. III.

PRÆMIATRIX VIRTUTVM ET MERITORVM SAPIENTIA,

Illos tantummodo præmiare didicit;

Quos ingens assidui laboris premit angustia.

Prius enim metiendi scopuli, superandæ salebræ;

Antequam quis votorum suorum terminum assequatur.

Nemo inter Doctorales Laureas jacendo stetit.

Nemini sedenti, victrix ad manus obvenit palma.

Laboranti Dii laborant.

Nescit æstimanda gloria alio sese librare pondere;

Nisi quod à continua meritorum provenit gravitate.

Aliàs,

Albis ad Capitolium Honoris vehi non meruit quadrigis;

Qui prius hostili non erubuit sanguine;

Vel atrâ literatorum sapiâ, illustris non exstitit.

Nigra dixeris Minervæ pigmenta, sed formosa;

Vt ipsis etiam decorem imprimant dignitatum subsellijs.

Nihil in Orbe splendidius sudorum unionibus.

Nulla ad gloriæ portum via celerior;

Quàm per larga sudorum diluvia.

Ita,

Profundum pelagus Iason sulcavit carinâ;

Etiam in sublime gloriosi Nominis saltavit culmen.

Ad nivofam Rhodopen quæsiit hybernas Stylico;

Quia ad gloriæ adyta, aditus per siccum non videtur.

Nulla sine difficultate gloria.

Viderat Cælum, Iovis illustrem Partum, sed non prius partum;

Antequàm secto capite, ipse Iupiter ex capite laboraret.

Præsens Musis Apollo, pessimè diceretur Præses;

Nisi prius incurvare scivisset arcum;

rectissimè primatum Honoris ascensurus.

Nitent & Tui hodie, coronati labores in publico

eiusmodi dignitatis solio;

Perillustri, Clarissime, & Admodum Reverende Domine,

D.M. RAPHAEL CASIMIRE
ARTENSKI,

Sacræ Theol: Doctor, & Professor Nobilissime

Cū ita præcelso dignitatis Tuæ gloriæ splendore;

Vt omnem encomiastarum excedas conatum.

Primò balbutire desieras, & jam facundos meruisti Arpinates.

Dicam clariùs :

Necdum novisti literas, jam a malo scivisti declinare.

Non priùs loqui, quàm dicere peritus copiosè,

Brevi tempore magnis æquandus Luctatijs.

*Quippe teneriores tibi, quibus insignita fuerint characteribus,
Eosdem posteritati recitabunt, & vetusta monstrabunt cortice.*

Vix primis rudimentis intenderas;

Nunquam tamen rudem prætetulisti mentem.

A teneris annis nulla Tibi scientia non Politica fuit.

Tuum Animum,

& cereum verè, verè & saxeum dicerem:

ut continui laboris exardescabas æstu, ita nullâ mole frangebaris.

Primò novennis Annibal;

jam ad Sacras Apollinis Aras,

ductus amore Virtutis, & Sapientiæ, in odium amuſorum jurâsti;

Ne serperet ignorantia

Vnde quidquid dicebas, omnes a Te discebant.

Quos condiscipulos habueras, illos etiam Tuos credidimus discipulos;

Nimirum: virtutis, & laboris Tui Studiosos.

Ideoq; cū doceris, sapijſti Doctorem.

Pœticos metiendo pedes, non metiendam propriam monstrâsti probitatem.

In Heliconijs ſaliens Montibus, Parnassiq; Cracij transfiliens colles;

alatum Pegaseo impetu secutus es Mercurium:

Merè Curius ab omnibus apellandus.

Cui,

Rhetorici magis ſapere fontes; quàm dulces ambrosiæ.

Postquam non dicere, ſed fundere verba videris:

etiam illa, quæ primò haurire debueras.

Patet & inde, non vile Tui Nominis argumentum:

ut, quot Oratorias ſparſiſti figuras, tot propriæ gloriæ faceres Incrementa.

Omnis Licentia, nullam contra vetitum produxit diſcordiam.

Quævis Gradatio, honorarij erat prænuntia gradûs.

Sola Tibi huculq; ignota Correctio;

quia habuiſti nihil, quod emendares.

Quodſi Diminutio, & Extenuatio ingenij viderentur;

viderentur non Tuæ, ſed aliorum.

Itaq; cum triumphante in Te Artium Regina Eloquentia,

Philosophicæ Provinciæ aſcenſurus Majeſtatem;

Ianuam ſcientiarum Dialecticam aperiri Tibi voluiſti:

quæ primum iter eſt, ad triumphos literarios.

Et hic.

in ultiores Stagyriticæ Minervæ progressurus campos;
compos victoriarum futurus;

ita gloriôsè steteras ut nemini cederes,

Cum id proposueris firmitus; ne desineres:

Fundere argumenta, argumentatores confundere.

Vnde non immeritò,

Binis in Philosophia insignitus es Laureis;

quasi vnâ tantum nunquam deberes præmiari Coronâ.

Pluribus ubiq; insignis:

Campestribus, in literaria arena;

Navalibus in immenso scientiarum æquore;

Qualibus, & Triumphalibus, in quovis certamine,

Neq; aliter Tua gloria sonat;

Quam

quod magna gessisti, majora obtinuisti, maximus evasisti:

Duplicem Senioratum, multiplici virtute meruisti.

Et quia Sapiens non semper is uno gradu, unâ tamen viâ.

etiam Tu,

non sine ingenti conamine Classicam instruere capisti Iuventutem.

Doctor Philosophiæ, Ductor Tyronum, Dictator virtutum,

cum bene loquendi doceres Artem;

& tardos velocius in Pierium Pindum duceres Attalos,

non minus bene vivendi dictasti normam.

Sub Te,

ipsa fictitia Pòësis, Schola veritatis fuit.

Quare à Tuis etiam Discipulis, bellè metitur Tua magnitudo,

quorum tanta patuit doctrinæ excellentia;

ut etiam

cum non viderent cæsuras, optimè metra scanderent; documento:

Quod in Humanitatis Gymnasio, Te plus quam hominem demonstrarent

PROFESSOREM.

Ligatus Archias futurorum Arpinatum;

aut redivivus inter Tuos Rhetores Tullius,

quidquid tulisti in publicum, publicam Orbis transcenderat famam.

Adcoq; dignas jam pro meritis, illorum capitibus impositurus coronas,

vel ne prius in arenam descenderent Philosophicam;

quam certi victoriâ forent;

victrices illis Porphyriæ Arboris proposuisti palmas.

Quamquam dubia certantium hic alea, sed tantum ad Martem, non ad Palladem:

Dat Pallas docta coronas.

Meruerat enim sub Laurea Tua, & Professione,

gloriæ immortalis coronas,

Illustrissima olim & Excellentissima

Domus KRASINSKIANÆ Proles

Quæ erga Te

Veluti, erga Anaxagoram suum, gratissimi Archelai, & Pericles;
fervidiorem amorem excitando, gloriam ampliavit.
Dicerem procul dubio in omnes oras tantum abire Nomen;
& in nullis unquam obiturum plagis:
quod per Clarissimas Familias sparsum, in tot Familijs partum est.
Non potest sub rosa sincerus erga Te candor retineri;

Illustrissimi & Reverendissimi Domini,

D. CONSTANTINI LIPSKI,

Archiepiscopi Leopoliensis, &c.

sub cujus singularis gratiæ umbris,

Consistenti Tibi,

quisq; ulterioris fortunæ serenam præfagiebat meridiem!

Nec immerito:

jam enim tunc Clarissimus Tibi resplenduit Honos;
cùm Minori Collegio, ut Cynthius Minoribus exorireris astris;

Cæterum mille ornatus talentis,

unam tantum ornare non debuisti dignitatem.

Numerosis semper dignissimus titulis.

S. ANNÆ Canonicus factus,

Æquè optimus Cracij Heliconis Mystes, & Sacrorum rituum
Minister vocaturus.

Utriusq; gloriam tulisti, utroq; gloriosus.

Et cùm ultro innumeras eruditæ mentis, ac virtutum geminæ decades;
iterum Philosophicæ Spartæ inclaruisti Decanus.

Hunc in Honorem.

O quam admiranda fuit Tux Sapientiæ metaphora!
ut quod plerisq; insuetum, proprium Tibi videretur:
quod apud doctissimos invisum, Te apud Doctorem invidendum.
Hinc jam vocatus à Majoribus, minoribus Advocatus exstiteras

COLLEGA MAIOR.

Nam humilis, & inertis est sectari parva.

Tendit in alta virtus.

Scilicet: maximis operam daturus conatibus;
majore in dies campo indigebas.

Alter Sarmatiæ Literarius Macedo;

ut per Iagellonicum gloriosius triumphares Orbem;

una Tibi Minoris Domus Provincia non suffecit.

Sic animo magno nil magnum est.

Vnde bene plenissimo ore, talem Te Craciæ Thalia deprædicat,
qualem suum Asia, Europa extulerat Diodorum.

Orbis ille universas exhausit Scientias:

sed neq; Tu orbis iisdem exstitisti.

B

Qui

Qui immensam Antiquitatum omnium amplitudinem,
optimè in proprio compendiâsti capite.
Assurgit fatis in Applausus,
Præcella Tylicianæ Suadæ Professio;
dum tanto Nomini, ac Sapientiæ,
ipsa veluti Divina Tua pneumata, spirant in paginam encomia.
Neq; protensæ Schinotenes copiosam abbreviant materiem.
Latepatent certè amplissima Tuæ Eruditionis indicia,
resplendent illustres ingenij partus;
qui tot Illustrissimorum Herodum,
vivaciorem demonstrarunt gloriam;
toties stupenda Maximorum Virorum produxerunt gesta.
Tandem a Ducibus ad ipsos accessisti Reges:
etiam hoc ipso Clarissimus;
quod post Illustrissimos;
Serenissimi ac Inviçtissimi

olim Poloniarum Monarchæ,
IOANNIS III.

Semel, Regale Sceptrum, Fasces, diadema,
gemmeo encomiorum distinxeris apparatu.
iterum hodie

Serenissimi ac Potentissimi Regis, Patris Patriæ,
AVGVSTI II.

plausibili calamo Majestatem Augustam attigeris;
ut comprehensis Dynastis, ipsum etiam Deum apprehenderes.
Primam in Sacra Theologia Lauream ora tacent;
quàm benè Tuum coronavit verticem!
Puderet Iulios, Alexandros;
si Te non jam Olympicos, sed Morales Cursus viderent consumasse:
innumeros Septem Sacramentorum anfractus;
vel exinde gloriosius;
quia longiore tempore superasse.
Innotuit clariùs,
quævis, in tradendis singulis Tractatibus mora;
totis memoranda seculis:
ut, omnia cùm transeant, verba Tua, & doctrina sit seculorum.
Quidquid docueras, nihil sine Tuæ gloriæ materia fuit.
Quidquid protuleras, Professore excesserat, Te non excessit.
Et hoc ipsum ad Tui Nominis immortalitatem suffecerat;
quod Tuo animo nil suffecerit:
etiam
ita Sapientiæ curas impendisse, plusquam expediret.
Disceat Orbis:
Summos labores, adeo magnâ nonnisi compensatos gloriâ mitigari.

Bene

Bene proinde ad laudem Tua Virtus nititur interrita clivo;
ut Doctorem conscendas Cathedram:

tandem post fervidos ingentium studiorum æstus;
sub Lauream eiusmodi inclines verticem ustulatum.

Nempe: Virtutes, Merita, Sapientiam,
immortali præmio Theologici Honoris ornaturus.
Procul hinc gemmeæ cum aureis Coronæ cedant;
Palmaris Tua Laurea,

hucusq; Tibi omnem servet vigorem;
& ab ingruentibus fatorum immunis fulminibus,
eòusq; assurgat perennior;
quousq; longiora Rupes Academicæ superabunt secula:
Donec in Orbe Literario,
Sapientia meritorum fuerit

PRÆMIATRIX.



SVB FELICISSIMIS AVSPICIIS,

Magnifici Perillustis & Reverendissimi Domini,

D. M. SEBASTIANI PISKORSKI,

I. V. DOCTORIS, & PROFESSORIS,

Ecclesiarum, Cathedralis Cracoviensis, & Collegiæ Vielunensis CANONICUS,
SS. Omnium Crac: ARCHIDIACONI, Scholarum Novoduorfcianarum
PROVISORIS, Studij Almæ Vniversitatis Cracoviensis PROCANCELLARIUS,
& Generalis, ac Vigilantissimi

RECTORIS.



I
Ec
C
1881

Biblioteka Jagiellońska



stdr0009447

